



Broj predmeta: 13-002581/20
Broj akta: 01.1-1413EK-0021/21
Datum, 21.1.2021. godine
Mjesto, Brčko

Na osnovu članova 16. i 17. Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19) u skladu sa članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda broj: 13-002581/20 od 30.12.2020. godine, Preporuke Komisije za javne nabavke broj: 13-002581/20 od 06.01.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak za javnu nabavku radova za potrebe Odjeljenja za obrazovanje Vlade Brčko distrikta BiH (4 lota) u odnosu na **Lot 3 – Nabavka radova na uređenju dvorišta JU Jedanaeste osnovne škole Zovik**, koji je proveden na osnovu Odluke o pokretanju postupka javne nabavke broj: 13-002581/20 od 15.09.2020. godine i Obavještenja o nabavci broj: 1157-1-3-659-3-560/20 objavljenim na portalu javnih nabavki dana 12.10.2020. godine, iz razloga što je cijena prihvatljive ponude znatno veća od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke.

Obrazloženje:

U postupku javne nabavke radova za potrebe Odjeljenja za obrazovanje Vlade Brčko distrikta BiH (4 lota) u odnosu na lot 3 dostavljeno je sedam ponuda i to ponuđača: „As Gradnja“ d.o.o. Brčko, „Bijelić-gradnja“ d.o.o. Brčko, „Astra Plan“ d.o.o. Brčko, „Lišić-konstrukcije“ d.o.o. Brčko, „Papilon“ d.o.o. Čelić, „Graditelj“ d.o.o. Brčko i „Zanat - tex“ d.o.o. Brčko. Sastavni dio odluke čini zapisnik sa otvaranja ponuda. Sve ponude ponuđača su bile prihvatljive u pogledu načina pripreme, dostave, oblika i sadržaja ponude. Svi ponuđači su ocijenjeni kvalifikovanim, a ponude prihvatljivim i u skladu sa zahtjevima iz tehničke specifikacije i tenderske dokumentacije. Međutim, kako je Komisija u daljem toku postupka utvrdila da je iznos najpovoljnije ponude na lotu 3 veći od procijenjene vrijednosti nabavke, Odjeljenju za obrazovanje je upućen dopis broj: 13-002581/20 od 23.12.2020. godine sa zahtjevom da se izjasne o ispravnosti procijenjene vrijednosti nabavke i raspoloživosti sredstava za finansiranje u vrijednosti iznosa najpovoljnije ponude za navedeni lot. Od strane Odjeljenja za obrazovanje dostavljen je dopis od 23.12.2020. godine u kome se navodi da nisu u mogućnosti obezbijediti potrebna dodatna sredstva, te da iz navedenog razloga postupak dodjele ugovora za navedeni lot treba obustaviti. Zbog svega navedenog, odnosno iz razloga što je cijena najpovoljnije ponude veća od osiguranih sredstava za predmetnu nabavku, Komisija je dala preporuku za donošenje odluke o poništenju postupka javne nabavke, a sve u skladu sa odredbama člana. 69. stav (2) tačka e) Zakona o javnim nabavkama.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za obrazovanje,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.



GRADONAČELNIK

Esed Kadrić

Kadrić